

傳乞削地簡除其罪名願度願生保衛身形
九老仙都玉曆注名九祖父母咸享福緣殃
愆消釋精神清寧學業圓就功行威明魔
無干犯永保康寧帝王受福天下和平謹以
啓聞乞如所陳巨誠惶誠恐稽首頓首再拜

讀土簡文

大明國某州某縣某鄉某里某修崇黃錄大
齋祈思懺罪請福消災法事都畢投簡靈壇
中黃九地戊己黃神土府五帝乞削罪籍勒
名太玄謹詣中宮投簡紀名金龍驛傳一如
告命

太歲 年月 日 時某處告下

天地開張 九炁分靈 三元洞府 十方朗清
五老上帝 閱真領生 丹書赤文 元始上精
普告天下 九土皇靈 今日上吉 萬仙定生
修齋行道 普為存亡 我願我仙 請投玉名
土府太皇 勅除罪刑 奏簡上宮 列簿華清
早得飛騰 天地同靈 九祖種親 齊敬更榮
魂升南宮 受化仙庭 今日告命 萬神咸聽
請以金紐 表明至情 請如所告 金龍驛傳

投簡頌 投簡

十願

- 一願大道流行善天懷德
- 二願一切有生咸悟悟道
- 三願九夜幽魂一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海會同寃親和釋
- 八願潛胞處卵咸得生成
- 九願積疾新疴旋即痊愈
- 十願孤露衆生豐衣足食

存神復爐

靈寶領教濟度金書卷之一百五十九

靈寶領教濟度金書卷之一百六十

洞微高士開光收若真人案金具校
靈寶通玄秘教水南先生林靈真編

科儀立成品新樣
適用

謝恩懺儀

步虛 燒香頌

各禮師存念如法

衛靈

五星列照 煥明五方 水星却災 木德致昌
熒惑消禍 太白辟兵 鎮星四據 家國利亨
名刊玉簡 字錄帝房 乘颺散景 飛騰太空
出入冥無 遊宴十方 五雲浮蓋 招神攝風
投使萬靈 上衛仙翁 與道合真

發爐

无上三天玄元始三炁太上老君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官王神急上關啓巨奉為入

壽意以今陞壇設醮願得

玉清道炁靈寶妙光下降流入巨等身中即
使玄壇清淨內外成真天無氛穢地絕秋塵
琳琅振響十方肅清萬魔不干真誠上徹令
臣所啓之誠速達徑御

太上元極大道至真玉皇上帝

請稱法位

具位奉行黃籙大齋法事小兆臣某與臨壇
官衆等謹同誠上啓

太上元極大道虛無自然元始天尊太上玉
宸大道君金闕後聖玄元老君十方靈寶天
尊高上玉皇已得道大聖眾至真諸君丈人
三十二天帝君東華南極西靈北真上宰上
相上保上傳日月星宿北斗南辰周天真宰
十方元極无量品至真大神飛天神王長生
大聖无量度人君妙行真人天真皇人三十
六部尊經玄中大法師靈寶玄一經籍度師
侍經五帝玉童玉女歲德尊神土地主執三
界應感一切真靈臣聞赤明開圖鼓洪濛於
鰲極清微御運舒混洞於鴻鈞幹陽經陰緯

道六

十

之機植方濁圓清之鏡上羅五億建日月而

運星辰下廣三千莫山川而毓草木惟人為
貴謂物最靈丹谷凝精騰明霞而降景玄穹
孕粹媾偃月以凌空皆統承於妙極真尊悉
主宰於虛無元聖大哉化育妙矣生成巨幸

藉宿因叨乘真歷感天宏道期殫金石之忱

領教學真誓煥丹青之信今醮官某既誠紫

漠請命玄虛衣被天光已風行於黃籙錫消
地穉冀雲委於洪耀輶奉菲儀庸旌葵志伏
望瓊輪羽蓋微翠節以還臨綠輦丹與擁珠

幢而蒞止八極之雲龍混景十華之月駟陪

玄俱降道場不遺德愷日不勝激切望恩之

至謹稽首再拜奉請

請聖

三界眾真醮筵列聖適伸拜請諒沐光臨請

各整於仙班共祇迎於

帝馭

降九位

鸞輿至止鸞駕臨軒與醮眾真如儀朝禮朝

禮既周請陞醮席齋主上香設拜

禮既周請陞醮席齋主上香設拜

道六

十二

初獻

重稱法位

具位巨某謹重誠上啓

三清上聖十極高真玄穹之帝后仙真洞府

之神靈主執醮筵內外一切真靈巨聞道貫

玄元御太無之至粹教尊靈寶弘妙有之真

精降黃圖萬類之輝承君落一元之運生

不息化化無方役風雨而運雷霆總是裁成

之妙布雲霞而結霜露宏敷化育之功有物

咸熙無求不應今醮官某九思冰履三省淵

臨念心混六塵莫悟棗梨之妙而性迷五蘊

徒滋荆棘之叢罪花風動於四知冤業雲行

於三惑狂瀾自倒濁浪唯疑日賊宵中恍三

彭之汨沒雷轟眼底驚二豎之紛紜馬屢逸

而弗羈牛獨奔而罔牧天機易洩人事多違

致書五帝之編或鼓三官之筆匪絲樓謝曷

輅康榮爰禱爾而扣閣庸動斯而潔宇稽嚴

黃籙崇九朝憾滌之恭儀按玄圖備三簡告

成之札和鸞曳玉振鸞鏘金翼膺有造之恩

俯賜無私之惠勝詞音積寓意丹毫具有詞

俯賜無私之惠勝詞音積寓意丹毫具有詞

文謹當宣奏

宣詞

按如詞旨備極忱恻願雨露之涵濡悅風雲之慶會誠數萬一芽莢不剪以神交禮罄再三黍稷非馨而意契備寓粟絲之敬恪殫綿蕝之儀伏願水釋千愆風清萬障出入息開壽域於千齡宴坐經行闡福鄉於五體月磬振鏘揚之韻雲鏞流響徹之音符寶衛嚴翠葆翩翩於玉墀伶華朗奏珠綃縹緲於瑤壇千枝之穠麗舒明百和之芬芳曼衍昭昭日監赫赫時歆饗奠獻之小心錫感通之大德且不勝虔祝之至

亞獻

重稱法位

具位日恭謹重誠上啓

三清上聖十極高真玄穹之帝后仙真洞府之神靈主執離筵內外一切真靈臣聞視聽自民上聖之監觀有冀禍福由已下愚之懇禱無諱雖八萬四千里之高下若殊而一日十二時之貫通罔間奉幣以告觀數尺地以

據誠設醴而陳盞露寸天而寓敬今醮官昇丹誠證質素志敷羅期宏汪濊之玄功為洗冥蒙之黑業伏願慈悲不冒道德曲成勅五帝四司紀生名於南上勅三官九府削罪籍於北鄴永無注訟之勾連庶絕考殃之纏滌

光風霽月融萬善以川增景星慶雲掃千災而日燦夏屋暢熙夷之樂春臺騰駘蕩之歡金瑩精神固朱顏而不夜玉澄步武宴綠鬢以長春六淫雲散於數願九厄水清於視履簾攬多暇門館無塵壹天凝喜氣之和福地耀祥光之大命身泰定運限和平玉田花滿於三關神光潤曉金鼎蓋盈於五室靈炁耐晨襲世澤之詩書垂芳猷之文獻椿萱茂悅蘭桂欣愉處于公馭馬之華千祥攸萃昌荀氏八龍之盛百順來臻凡斯祈請之勤允賴

提携之造巨駕班綴武鳳陞承頽俯仰猶稽慮觸丹章之鬱勃威儀莫備恐嬰玄憲之森羅天聽昭明帝心簡在蒙曲垂於涵育實仰佩於生全上願地紀晏澄丹元朗謚七政舒先於碧漢風雨均調百昌孕秀於黃埃山川

靜穆歲紀金積之瑞時宣玉燭之和野絕遺蝗朝多鳴鳳鞠團扉之青草恩契春生靜方野之綠林成符秋殺龍仙人鬼均證道遠蠶動蛸翹悉陶化育三塗樂意五道懽顏臣等不勝虔切之至

終獻

具位日恭謹同誠上啓

三清上帝十極高真圓穹帝座星真厚地洞天海嶽三界官屬百億萬靈臣聞至敬無文丕顯告成之悃大禮必簡僭陳昭事之儀獻酬既備於三周真饗幸殫於一念以今河澄月淡夜漏將中斗轉參橫宵躔已半虬鼎烟沉於蘭篆鸞缸輝暗於芝膏丹旆後先將返霄衢之仗蒼旌上下行旋輦路之班萬騎雲奔千棘風動巨翹傾徒切攀戀無階出有入無礙景混華峯之遽還元返本飛玄融天谷之幽且等下情不勝激切攀戀之至謹稽首再拜奉送

十二願

一願乾坤明素

二願氣象清玄

- 三願聖人萬壽
- 四願化洽八埏
- 五願天垂甘露
- 六願地發祥烟
- 七願四時順序
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善瑞日臻

復爐

香官使者左右龍虎君侍香諸靈官當令臣設醮之所自然生金液丹碧芝英百靈衆真交會在此香火爐前令臣學道得道求仙得仙齋主受福幽顯沾恩十方仙童玉女侍衛蘭烟傳巨所啓之誠速達徑御

迴輦頌

太上无極大道至真玉皇上帝 御前

靈寶領教濟度金書卷之一百六十一
百六十
三四卷
洞微高士開光救苦真人靈金具授
靈寶通玄秘教水南先生林靈真編
科儀立成品 預修費
第一日早朝儀
步虛 燒香頌
各禮師存念如法
衛靈
金具綠霞映映三天 飛雲丹霄 諸天控輦
晨輝塔旦 陰翳俱蠲 九微震空 五星回旋
萬仙應感 自然妙玄 杳冥散景 分形億千
玄珠光曜 瑞降壇乾 生死蒙惠 灌鍊金泉
魔王恐懼 合景三田 與道合真
鳴法鼓二十四通
發爐
无上三天玄元始三炁太上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝闕塔玄壇天帝神君當召此間

土地里域真官正神急上關啓臣奉為入
齋意以今清旦陞壇行道願得
玉清道炁靈寶妙炁下降流入臣等身中即
使玄壇清淨內外成真天無氛穢地絕埃塵
琳琅振響十方肅清萬魔不干具誠上徹令
臣所啓之誠速達徑御
太上无極大道至真玉皇上帝 御前
請稱法位
具位奉行身受度預修黃籙大齋法事小
兆臣某與臨壇官衆等謹同誠上啓
太上无極大道虛元自然元始天尊太上道
君太上老君高上玉皇十方已得道大聖衆
至真諸君丈人三十二天帝君玉虛上帝玉
帝大帝東華南極西靈北真玄都玉京金闕
七寶瓊臺紫微上宮靈寶至真明皇道君三
十六部尊經玄中大法師上相上宰上保上
傳太平下教二十四真人西城總真玉君太
乙真人東嶽上卿司命茅君定錄保命二真
人名山洞府得道神仙三界官屬一切真靈
且聞相炁凝鴻濛之表無形無名真精流混

9-20-6